

սական դարերում Ուտիացոց աշխարհի կուստու-
նըն է եղել *)։ Յետոյ, առաջին դարի սկզբում,
ս. Եղիշէ առաքեալը կործանել է այդտեղի մի-
հեաններն ու կուստունները և նրանց տեղը կանգ-
նեցրել է խաչ քարեր, որ մինչև ցարդ հայերի և
թուրքերի համար շատ մեծ ուխտատեղի է հա-
մարում և այդ տեղը այժմս կոչւում է «Թավուխ
կրան» — որ նշանակում է հաւեղէնների զենարան՝
մատաղ մորթելու տեղ։ Տեղական ժողովուրդը
շատ մեծ յարգանքով և խորի՛ն պատկառանքով է
վերաբերում դէպի այդ սրբավայրի հսկայ ծա-
ռերը և ո՛չ ոք չէ համարձակում մի որևէ ճիւղ
կտրել նրանցից։ Ահաւասիկ ձեզ հնագիտական
ուսումնասիրութեան համար առատ ու ընտիր
նիւթեր։

Խ

ՄԻ ՔԱՆԻ ԽՕՍԻԵՐ ՈՒՏԻԵՐԷՆ ԼԵԶՈՒՈՎ

Ինչպէս ասացի, ամբողջ Ուտիացոց աշխար-
հի բազմաթիւ գիւղերի մէջ մինչև ցարդ գործա-
ծական և անկորուստ է մնացել Ուտիերէն լեզուն
միմիայն Վարդաշէն և Նիժ գիւղաքաղաքներում,
որոնց բառերի և խօսակցութեան ոճի մէջ մի
փոքր տարբերութիւն կայ։ Հայ և օտար մասնա-
գէտ լեզուաբան և պատմաբան բանասէրների

*) Տես «Ճանապարհ. ի Մեծն Հայաստան» երես 381.